



KOMUNIKADO PA PRENSA

Fecha

10 di aprel 2019

Persona di kontakto

Noriza Gerard

Email

noriza.gerard@gobiernu.cw

Bishita di Minister sra. Kajsa Ollongen di Ulanda

Willemstad – Dia 10 di aprel 2019 a tuma lugá un enkuentro entre e Minister di Asuntunan Interno i Relashon den Reino (BZK) di Ulanda sra. Kajsa Ollongen, Minister di Tráfiko, Transporte i Planifikashon Urbano, sra. Zita Jesus Leito, huntu ku Minister di Enseñansa sra. Marilyn Alcalá-Walle, representantenan di entre otro Servisio pa Planifikashon Urbano (ROP), i organisashonnan riba e tereno di monumento i patrimonio. E enkuentro aki a tuma lugá den kuadro di desaroyo di nos sentro di siudat komo Patrimonio Mundial.

Mirando ku Willemstad ta riba lista di Patrimonio Mundial di UNESCO, tabata un bon oportunidad pa interkambiá di idea ku e mandatario Ulandes. Amsterdam su siudat Grachtengordel, kaminda e mandatario a traha, tambe ta riba lista di Patrimonio Mundial. Minister Jesus-Leito a mustra kon nos sentro di siudat por desaroyá i kuantu posibilidat positivo tin pa Gobièrnu i sektor priva traha huntu riba e desaroyo di esaki.

Despues di un presentashon di e Direktor di Sektor di Infrastruktura i Planifikashon Urbano, sra. Caroline Manuel, a sigui un rekorido den Otrabanda, Skalo, Fleur de Marie, i parti di Pietermaai. Bou di guia di e representantenan di barío, Minister Ollongen por a tende i haña un bista di kada barío individual i nan desaroyo.

Minister Ollongen di Ulanda a keda enkantá di loke e por a tuma nota di dje i a palabra ku lo sigui den kontakto spesialmente pa loke ta e aspekto di kuido i desaroyo di nos Patrimonio Mundial.